

武昌醫館叢書

三



經史證類大全本草卷之四




○玉石部中品


附

金銀鐵
鹽土等

階州雄黃



階州水蜜雄黃



雄黃味苦甘平寒大溫有毒主寒熱鼠癩惡瘡癰疽
死肌療疥蟲蠱瘡目痛鼻中息肉及絕筋破骨百節
中大風積聚癖氣中惡腹痛鬼疰殺精物惡鬼邪氣
百蟲毒勝五兵殺諸蛇虺毒解藜蘆毒悅澤人面鍊
食之輕身神仙餌服之皆飛入人腦中勝鬼神延年
益壽保中不飢得銅可作金一名黃食石生武都山
谷燉煌山之陽採無時

陶隱居

云鍊服之法皆在仙經中以銅為金亦出黃白術中晉末已

來氏羌中紛擾此物絕不復通人間時有三五兩其價如金合
丸皆用石門始興石黃之好者爾始以齊初涼州互市微有所
得將至都下余最先見於使人陳典籤處檢獲見十餘片伊輩
不識此是何等見有挾雄黃或謂是丹砂示吾吾乃示語并又
屬覓於是漸漸而來好者作雞冠色不臭而堅實若黯黑及虛
輒者不好也武都氏羌是為仇池宕昌亦有與仇池正同而小
劣燉煌在涼州西數千里所出者未嘗得來江東不知當復云
何此藥最要無所不入
唐本注云出石門名石黃者亦是雄黃
而通名黃食石而石門者最為劣爾宕昌武都者為佳塊方數
寸明澈如雞冠或以為枕服之辟惡其青黑堅者不入藥用若

火飛之而療瘡亦無嫌又云惡者名熏音訓黃用熏瘡疥故名之無別熏黃也正觀年中以宕州新出有得方數尺者但重脆不可全致之爾臣禹錫等謹按吳氏云雄黃神農苦山陰有丹雄黃生山之陽故曰雄是丹之雄所以名雄黃也水經云黃水出零陽縣西北連巫山溪出雄黃頗有神異採常以冬月祭祀鑿石深數丈方得故溪水取名焉抱朴子云雄黃當得武都山所出者純而無雜其赤如雞冠光明眩眩者乃可用耳其色黃似雌黃色無光者不任作仙藥可以合理病藥耳藥性論云雄黃金苗也殺百毒又名黃石味辛有大毒能治尸疰辟邪鬼魅殺蠱毒人佩之鬼神不能近入山林虎狼伏涉川濟毒物不敢傷蕭炳云雄黃君陳藏器云按石黃今人敲取中精明者為雄黃外黑者為熏黃主惡瘡殺蠱熏瘡疥蟻蟲及和諸藥熏嗽其武都雄黃燒不臭熏黃中者燒則臭以此分別之蘇云通名未之是也日華子云雄黃微毒治疥癬風邪癰癧嵐障一切蛇蟲犬獸傷咬久服不飢通赤亮者為上驗之可以煬蟲死者為真臭氣少細嚼口中含湯不激辣者通用

圖經曰

雄黃生武都山谷燉煌山之陽今階州山中有之形塊如丹砂明徹不挾石其色如雞冠者為真青黑

色而堅者名熏音訓黃有形色似真而氣臭者名臭黃並不入服食藥只可療瘡疥耳其臭以醋洗之便可斷氣足以亂真用之尤宜細辨又階州接西戎界出一種水窟雄黃生於山巖中有水泉流處其石名青煙石白鮮石雄黃出其中其塊大者如胡桃小者如粟豆上有孔竅其色深紅而微紫體極輕虛而功用勝於常雄黃丹竈家尤所貴重或云雄黃金之苗也故南方

近金坑治處時或有之但不及西來者真好耳謹按雄黃之治
瘍尚矣周禮瘍醫凡療瘍以五毒攻之鄭康成注云今醫方
五毒之藥作之合黃整晉武置石膽丹沙雄黃礬石其中
燒之三日三夜其煙上著以雞羽掃取之以注創惡肉破骨
盡出故翰林學士楊億嘗筆記直史館楊岷年少時有瘍生於
頰連齒輔車外腫若覆甌內潰出膿血不輟吐之痛楚難忍療
之百方彌年不差人語之依鄭法合燒藥成注之創中少頃朽
骨連兩牙潰出遂愈後便安寧信古方攻病之速也黃整若今
市中所貨有蓋瓦合也近世合丹藥
猶用黃瓦甌亦名黃整事出於古也

雷公云

凡使勿用黑雞黃自死黃夾膩黃其臭黃真似雄
黃只是臭不堪用時人以醋洗之三兩度便無臭

氣勿誤用也次有夾膩黃亦似雄黃其內一重黃一重石不堪
用次有黑雞黃亦似雄黃如烏雞頭上冠也凡使要似鷓鴣鳥
肝色為上凡修事先以甘草紫背天葵地膽碧稜花四件並細
剉每件各五兩雄黃三兩下東流水入埧堦中煮三伏時漉出
搗如粉水飛澄去黑者燉乾再研方入藥用其內有劫
鐵石是雄黃中有又號赴矢黃能劫於鐵並不入藥用

聖惠

方

治傷寒狐惑毒蝕下部肛外如蠶痛痒不止以雄黃半兩先
用瓶子一箇口稍大者內入灰上如裝香火將雄黃燒之候

煙出當病
處熏之

外臺秘要

治骨蒸極熱以一二兩和小便一升研加
粉乃取黃理石一枚方圓可一尺以炭

火燒之三食頃極熱灌雄黃汁於石上恐大熱不可近宜著一
片薄氈置石上令患人脫衣坐石上令停以衣被圍遶身勿令

藥氣泄出經三五度差

又方

被毒箭搗為末傳之沸汁出愈亦療蛇咬毒

千金方

治婦人始覺有

姪養胎轉女為男以

又方

治耳聾以雄黃硫黃等分為末綿裹塞耳中

又方

治

鬼擊及刀兵所傷血漏腹中不出煩滿欲

又方

治瘕瘕積聚去三

絕雄黃粉酒服一刀圭日三服化血為水

延年却老以雄黃二兩細研為末九度水飛過却入新淨竹筒內盛以蒸餅一塊塞筒口蒸七度用好粉脂一兩為丸如黍豆

大日三服酒下七九十九三年

時後方金瘡血內漏以雄黃末如大豆內瘡中又

服五錢匕血皆化為

經驗方

治馬汗入肉雄黃白礬等分更水卒以小便服之

研為細末以半錢

斗門方

辟魔以一塊帶頭上妙

博濟方

治偏頭疼至靈散雄

黃細辛等分研令細每用一字已下左

續十全方

治纏喉風雄黃一塊

新汲水磨急

集驗方

治卒魘雄黃搗為末細篩以管吹入鼻孔中

傷寒類要治

腹痛滿不得小便及療天行病雄

又方

殺齒蟲以末如棗塞牙間

抱朴

子餌之法或以蒸藁或以酒服或以消石化為水乃凝之或以猪胴裹蒸之於赤土下或以松脂和之或以三物煉之引之

如布白如冰服之皆令人長生百病除三尸下癥痕戒白髮黑墮齒生千日玉女來侍可使鬼神又云玉女常以黃玉為誌大

如黍米在鼻上是眞玉女無此誌者鬼試人也帶雄黃入山
即不畏蛇若蛇中人以少許末傳之登時愈蛇雖多種唯壞
及青金蛇中人爲至急不治一日即死人不曉治之方術者爲
二蛇中人即以刀急割瘡肉投地其肉佛如火炙須臾盡惟
人得活也比蛇七月八月毒盛之時不得嚙
人其毒不泄乃以牙刺大竹木即亦焦枯

太平廣記

劉無成

都人也志希延生謂古方草木之藥但愈疾得效見火輒爲灰
燼自不能固豈有延生之力哉乃入霧中山嘗遇人教服雄黃
凡三十餘年一旦有二人赤巾朱服徑詣其室劉問何人對曰
我泰山直事追攝子耳不知子以何術我已三日冥期迫促而
無計近子將欲陰符譴責以稽延獲罪故見形相問劉曰余無
他術但冥心至道不視聲利靜處幽山志希度世而已二使曰
子之黃光照灼於頂迨高數尺得非雄黃之功乎今子三尸已
去而積功未著大限既盡將及死期豈可苟免劉聞其語心竄
憂迫不知所爲二使謂之曰岷峨青城神仙之府可以求真師
訪尋要道我聞鈇永朱髓可致冲天此非高真上仙須得修鍊
之旨復入青城北崖之下見一洞行數里忽覺平博殆非人世
遇神仙居其間云青城劉真人劉析叩再三具述所值鬼使追
攝之由願示要道以技沉淪賜度生死之苦真人指一巖室使
栖止其中復令齋心七日乃視其陽爐陰鼎柔金鍊化水玉之
方伏汞鍊鈇成朱髓之訣狐剛于陰長生皆得此道亦名金液
九丹之經丹分三品以鈇爲君以汞爲臣八石爲使黃芽爲田
君臣相得運火功全七日爲輕水二七日變紫鋒二七日五彩
具內赤上黃狀如窻塵復運火二年日周六百再經四時重復

長至初則十月離胞胎已成初品即能乾汞成銀丸而服之可以祛疫二年之外服者延年益壽白髮返黑三年之後服之刀圭散居名山周遊四海為初品地仙服之半劑變化萬端生龍立去駕馭飛龍白日昇天大都此藥經十六節已為中品便能使人長生藥成之日五金八石黃牙諸物與君臣二藥不相雜亂千日功畢名上品還丹謹而藏之勿示非人出有其人視形氣功行合道依而傳之劉受丹訣還霧中山築室修鍊三年乃成開成二年猶駐於蜀自述無名傳以示後人入青城山去不知所終矣

太上八帝玄變經

柏子細節去滓松脂十斤以和柏

子雄黃各一斤色如赤李合藥白中復搗如蒸藥一日如餌正坐北向平旦頓服五九百日之後與神人交見

明皇

雜錄

有黃門奉使交廣回周顧謂曰此人腹中有蛟龍上驚問黃門曰卿有疾否曰臣馳馬大庾嶺時當大熱困且

渴遂飲水覺腹中堅痞如石周遂以消石及雄黃煮服之立吐一物長數寸大如指視之鱗甲具投之水中俄頃長數尺復以苦酒沃之如故以器覆之明日已生一龍矣上甚訝之

唐書

甄立言究習方書仕唐為太常丞有道人心腹滿煩

彌二歲立言診曰腹有蠱誤食髮而然令餌雄黃一劑少選吐一蛇如人小指惟無目燒之有髮氣乃愈

寶藏論

雄黃若以草藥伏住者熟鍊成汁胎色不移若將制諸藥成汁并添得者上可服食中可點銅成金下可變銀成金丹

房鏡源

雄黃千年化為黃金

海鹽





解鹽





食鹽味鹹溫無毒主殺鬼蠱邪疰毒氣下部墜瘡

寒寒熱吐胃中痰癖止心腹卒痛堅肌膚多食傷肺

喜欬

陶隱居

云五味之中惟此不可闕有東海北海鹽及河

樹鹽並而色類不同以河東者為勝東海鹽官鹽白草粒細北海

鹽黃草粒麤以作魚鮓及鹹菹乃言北勝而藏藏必用鹽官者

蜀中鹽小淡廣州鹽鹹苦不知其為療體復有優劣否西方北

方人食不耐鹹而多壽少病好顏色東方南方人食絕欲鹹而

少壽多病便是損人則傷肺之效矣然以浸魚肉則能經久不

敗以沾布帛則易致朽爛所施處各有所宜也

臣禹錫等謹按蜀本云多食令人失色膏黑損筋力

也**藥性論**云鹽有小毒能殺一切毒氣鬼疰氣主心痛中惡或

連腰臍者鹽如雞子大青布裹燒赤內酒中頓服當吐惡物主
小兒卒不尿安鹽於臍中炙之面上五色瘡鹽湯綿浸搗瘡上
日五六度易差又和槐白皮切蒸治脚氣又空心揩齒少時吐
水中洗眼夜見小字良治婦人隱處疼痛者鹽青布裹熨之主
鬼疰尸疰下部蝕瘡炒鹽布裹坐熨之兼主火灼瘡**陳藏器**云
按鹽本功外除風邪吐下惡物殺蟲明目去皮膚風毒調和臍
藏消宿物令人壯健人卒小便不通炒鹽內臍中即下陶公以
為損人斯言不當且五味之中以鹽為主四海之內何處無之
惟西南諸夷稍少人皆燒竹及木鹽當之**日華子**云暖水藏及
霍亂心痛金瘡明目止風淚邪氣一切蟲傷瘡腫消食滋五味

長食補皮膚通大小便小兒疝氣并內腎氣以葛袋盛於戶口懸之父母用手撚抖盡即疾當愈

圖經曰食鹽舊不著所出州郡陶隱居云有東海北海鹽及河東鹽池梁益有鹽井交廣有南海鹽西羌有鹽

胡中有木鹽而色類不同以河東者為勝河東鹽今解州安邑兩池所種鹽最為精好是也又有并州兩監末鹽乃刮鹹前鍊不甚佳其鹹蓋下品所著鹵鹹生河東鹽池者謂此也下品又有大鹽生邯鄲及河東池澤蘇恭云大鹽即河東印鹽人之常食者形蠶於末鹽乃似今解鹽也解人取鹽於池傍耕地緣以池水每鹽南風急則宿昔成鹽鹽滿畦彼人謂之種鹽東海北海南海鹽者今滄密楚秀溫合明泉福廣瓊化諸州官場煮海水作之以給民食者又謂之澤鹽醫方所謂海鹽是也其煮鹽之器漢謂之牢盆今或鼓鐵為之或編竹為之上下周以蜃灰廣丈深尺平底實於竈皆謂之鹽盤南越志所謂織篾為鼎和以牡蠣是也然後於海濱掘地為坑上布竹木覆以蓬茅又積沙於其上每潮汐種沙鹵鹹淋於坑中水退則以火炬照之鹵氣衝火皆滅因取海鹵注盤中煎之頃刻而就管子曰齊有渠展之鹽伐道薪煮海水征積之十月始生至于正月成三萬是也茹薪謂以茅茹然火也梁益鹽井者今歸州及四川諸郡皆有鹽井汲其水以煎作鹽如煮海法但以食彼方之民耳西羌山鹽胡中木鹽者即下條云光明鹽生鹽州下品有戎鹽生胡鹽山及西羌北地酒泉福祿城東南角北海青南海赤者是也然羌胡之鹽種類甚多陶注又云虜中鹽有九種白鹽食鹽常食者黑鹽柔鹽赤鹽駁鹽臭鹽馬齒鹽之類今人不能徧識醫家

治眼及補下藥多用青鹽疑此即戎鹽而本經云北海青南海赤今青鹽從西羌來者形塊方稜明瑩而青黑色最奇北胡來者作大塊而不光瑩又多孔竅若蜂窠狀色亦淺於西鹽彼人謂之鹽枕入藥差劣北胡又有一種鹽作片屑如碎白石彼人亦謂之青鹽絨封於匣中與鹽枕並作禮贄不知是何色類又階州出一種石鹽生山石中不由煎煉自然成鹽色甚明瑩彼人甚貴之云即光明鹽也醫方所不用故不能盡分別也又通泰海州並有停戶刮鹹煎鹽輸官如并州末鹽之類以供給江湖極爲饒衍其味乃優於并州末鹽也濱州亦有人戶煎鍊草土鹽其色最麤黑不堪入藥但可噉馬耳又下有綠鹽條云以光明鹽硃砂青銅屑釀之爲塊綠色真者出焉著國水中石下取之狀若扁青空青今不聞識此者醫方亦不用唐柳柳州纂救三死治霍亂鹽湯方云元和十一年十月得乾霍亂上不可吐下不可利出冷汗三大斗許氣即絕河南房偉傳此湯入口即吐絕氣復通其法用鹽一大匙熬令黃童子小便一升二物溫服之少頃吐下即愈劉禹錫傳信方著崔中丞鍊鹽黑丸方鹽一升擣末內麤瓷瓶中實築泥頭訖初以塘火燒漸漸加炭火勿令瓶破候赤徹鹽如水汁即去火其鹽冷即凝破瓶取之或一升熬焦桃仁一大兩和麩熬令熟巴豆二大兩去心膜紙中熬令油出須生熟得所熟即少力生又損人四物各用研擣成熟藥秤量蜜和丸如梧子每服三九皆平旦時服天行時氣鼓汁及茶下並得服後多喫茶汁行藥力心痛酒下入口便止血痢飲下初變水痢後便止鬼瘧茶飲下骨熱白蜜湯下忌冷漿水合藥久則丸稍加令大凡服藥後吐痢勿怪服藥一日

忌口兩日吐痢若多即煎黃連汁服止之平日服藥至小食時已來不吐痢者或遇殺藥人即更服一兩丸投之其藥冬中合臘月尤佳薏合子中盛貯以臘紙封之勿令洩氣清河崔能合得一劑可救百人天行時氣卒急覓諸藥不得又恐過時或在道途或在村落無諸藥可求但將此藥一刀圭即敵大黃消數兩曾試有效宜行於閭里間及所使輩若小兒女子不可服多波攪作耳唐方又有藥鹽法出於張文仲唐之士大夫多作之

食療

蠅螬尿瘡鹽三升水一斗煮取六升以綿浸湯淹瘡上又治一切氣及腳氣取鹽三升蒸候熱分裹近壁腳踏

之令腳心熱又和槐白皮蒸用亦治腳氣夜夜與之良又以皂莢兩挺鹽半兩同燒令通赤細研夜夜用揩齒一月後有動者齒及血蠶齒並差其齒牢固

聖惠方

治小兒臍風濕以鹽二兩豉二合相和爛搗捏作餅子如錢大安新瓦上炙令熱以熨臍上差亦用黃蘗末傳之

又方

治肝藏氣虛風冷搏於筋偏體轉筋入腹不可忍熱湯三斗入鹽半

斤稍熱

外臺秘要

治胃心痰飲傷寒熱病瘴瘧須吐者以鹽漬之効末一大匙以水或煖湯送下須更則吐

不快明日更服甚良

又方

治天行後兩脇脹滿熱鹽熨之如小便澀亦用熨臍下

又方

療風身體如虫蟻

行鹽一斗水一石煎減半澄清

千金方

治齒斷宣露每日以鹽洗浴三四度亦療一切風

偏齒百偏不遇五日齒即牢密

又方

治逆生以鹽塗兒足底又可急爪搔之并以鹽摩產婦腹上

千金